

წალენჯიხის მუნიციპალიტეტის საკრებულოს

დადგენილება №31

2015 წლის 29 ივნისი

ქ. წალენჯიხა

წალენჯიხის მუნიციპალიტეტის საპატო მოქალაქის წოდების მინიჭების წესის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი ნაწილის „ა“ პუნქტის „ა.დ“ ქვეპუნქტის და „ნორმატიული აქტების შესახებ“ საქართველოს კანონის მე-20 მუხლის შესაბამისად, წალენჯიხის მუნიციპალიტეტის საკრებულო ადგენს:

მუხლი 1

შემოღებულ იქნეს „წალენჯიხის მუნიციპალიტეტის საპატო მოქალაქის“ წოდება.

მუხლი 2

დამტკიცდეს:

1. წალენჯიხის მუნიციპალიტეტის საპატო მოქალაქის წოდების მინიჭების წესი დანართი №1 შესაბამისად.
2. წალენჯიხის მუნიციპალიტეტის საპატო მოქალაქის მოწმობის ფორმა დანართი №2-ის შესაბამისად.

მუხლი 3

დადგენილება ამოქმედდეს გამოქვეყნებისთანავე.

წალენჯიხის მუნიციპალიტეტის
საკრებულოს თავმჯდომარე

თემურ ღვინჯილია

დანართი №1

წალენჯიხის მუნიციპალიტეტის საპატო მოქალაქის წოდების მინიჭების წესი

მუხლი 1. ზოგადი დებულებები

1. ეს წესი განსაზღვრავს „წალენჯიხის მუნიციპალიტეტის საპატო მოქალაქეობის“ მინიჭების სამართლებრივ საფუძვლებს და მისი განხილვის წესს.
2. „საპატო მოქალაქის“ წოდების მინიჭება ხორციელდება საქართველოს ორგანული კანონის „ადგილობრივი თვითმმართველობის კოდექსი“ და ამ წესის შესაბამისად.
3. „წალენჯიხის მუნიციპალიტეტის საპატო მოქალაქის“ წოდება შეიძლება მიენიჭოს:
 - ა) საქართველოს მოქალაქეს, რომელსაც განსაკუთრებული დამსახურება აქვს წალენჯიხის მუნიციპალიტეტის ან საქართველოს წინაშე.
 - ბ) უცხო სახელმწიფოს მოქალაქეს - განსაკუთრებული დამსახურებისათვის საქართველოსა და წალენჯიხის მუნიციპალიტეტის წინაშე ან/და წალენჯიხის მუნიციპალიტეტთან მეგობრული კავშირების განმტკიცებაში შეტანილი წვლილისათვის.

მუხლი 2. „საპატო მოქალაქის“ წოდების მისანიჭებლად კანდიდატურის წამოყენების წესი და პირობები



1. „წალენჯიხის მუნიციპალიტეტის საპატო მოქალაქის“ წოდების მისანიჭებლად კანდიდატურის წამოყენების უფლება აქვს:

ა) საზოგადოებრივ, პროფესიულ, შემოქმედებით კავშირებსა და ორგანიზაციებს;

ბ) მუნიციპალიტეტის გამგებელს;

გ) საკრებულოს თავმჯდომარეს;

დ) საკრებულოს სიითი შემადგენლობის 1/3-ს;

ე) საინიციატივო ჯგუფს, მუნიციპალიტეტის ამომრჩეველთა არანაკლებ 1%-ის ხელმოწერით.

2. კანდიდატურის წარდგენა ხორციელდება წერილობითი ფორმით, რასაც თან უნდა ერთოდეს:

ა) „საპატო წოდების“ მისანიჭებლად კანდიდატურის წარმდგენი უფლებამოსილი ორგანიზაციის ან პირების რეკომენდაცია წარდგენილი კანდიდატის ღვაწლის და დამსახურების აღნიშვნით;

ბ) ბიოგრაფიული მონაცემები;

გ) კანდიდატის ღირსების ღვაწლისა და დამსახურების ამსახველი მასალები.

დ) წარდგენილი კანდიდატის პირადობის დამადასტურებელი დოკუმენტის ასლი და წერილობითი თანხმობა;

ე) კანდიდატის 2 (ორი) ფოტოსურათი ზომით 3X4.

მუხლი 3. საპატო მოქალაქის წოდების მინიჭება და ჩამორთმევა.

1. ამ წესის მე-2 მუხლის მე-2 პუნქტით განსაზღვრული დოკუმენტები წარედგინება მუნიციპალიტეტის გამგეობის ადმინისტრაციულ სამსახურს.

2. წარდგენილი კანდიდატის შესახებ ცნობების შეჯერებას და განხილვას აწარმოებს მუნიციპალიტეტის გამგეობის ბრძანებით შექმნილი სამუშაო ჯგუფი, რომელიც საპატო მოქალაქის მინიჭების თაობაზე დასკვნას წარუდგენს გამგებელს.

3. წალენჯიხის მუნიციპალიტეტის გამგებელი „წალენჯიხის მუნიციპალიტეტის საპატო მოქალაქის“ წოდების მინიჭებაზე გადაწყვეტილებას იღებს ბრძანების სახით.

4. „წალენჯიხის მუნიციპალიტეტის საპატო მოქალაქის“ მოწმობის გადაცემა ხორციელდება წელიწადში ერთხელ, საზეიმო ვითარებაში. განსაკუთრებულ შემთხვევაში „წალენჯიხის მუნიციპალიტეტის საპატო მოქალაქის“ მოწმობა შეიძლება გადაცემულ იქნეს ნებისმიერ დროს, წალენჯიხის მუნიციპალიტეტის გამგებელის გადაწყვეტილების საფუძველზე.

5. „წალენჯიხის მუნიციპალიტეტის საპატო მოქალაქის“ მონაცემები შეიტანება „წალენჯიხის მუნიციპალიტეტის საპატო მოქალაქის“ წიგნში, რომელიც ინახება წალენჯიხის მუნიციპალიტეტის გამგეობაში.

6. „წალენჯიხის მუნიციპალიტეტის საპატო მოქალაქის“ დამადასტურებელი მოწმობის დამზადებას უზრუნველყოფს წალენჯიხის მუნიციპალიტეტის გამგეობა.

მუხლი 4. საპატო მოქალაქის წოდების ჩამორთმევის საფუძველები

1. პირს შეიძლება ჩამოერთვას „საპატო მოქალაქის“ წოდება, თუ მის მიერ ჩადენილ იქნა:

ა) საქართველოს სისხლს სამართლის კოდექსით გათვალისწინებული განზრახი დანაშაული;

ბ) საქართველოს სახელმწიფო ან წალენჯიხის მუნიციპალიტეტის ინტერესების წინააღმდეგ მიმართული ქმედებები;



გ) ზოგადზნეობრივი ნორმები, პატივისა და ღირსების შემლახავი ქმედება;

დ) საკუთარი სურვილით.

2. „წალენჯიხის მუნიციპალიტეტის საპატიო მოქალაქის“ წოდების ჩამორთმევის უფლება აქვს წალენჯიხის მუნიციპალიტეტის გამგებელს, რომელიც გადაწყვეტილებას იღებს ბრძანებით, სამუშაო ჯგუფის დასკვნის საფუძველზე.

დანართი №2

**„წალენჯიხის მუნიციპალიტეტის საპატიო მოქალაქის“
მოწმობის ფორმა**

„წალენჯიხის მუნიციპალიტეტის საპატიო მოქალაქის“ მოწმობა წარმოადგენს ყდაში ჩასმულ შუაზე გადაკვეცილ ფორმატს, რომლის წინა მხარეს ამოტვიფრულია საქართველოს მცირე სახელმწიფო და წალენჯიხის მუნიციპალიტეტის გერბი, ხოლო შიგნით, მარცხენა მხარეს ცენტრში დატანილია წარწერა „წალენჯიხის მუნიციპალიტეტის საპატიო მოქალაქე“, ქვემოთ განთავსებულია ფოტოსურათი, ხოლო მარჯვენა მხარეს ტექსტი ქართულ ენაზე

<p>წალენჯიხის მუნიციპალიტეტის საპატიო მოქალაქე</p> <p>ფოტო</p>	<p>მოწმობა</p> <p>.....</p> <p>სახელი, გვარი</p> <p>წალენჯიხის მუნიციპალიტეტის გამგებლის ----- წლის ----- №----- ბრძანებით</p> <p>მიენიჭა „წალენჯიხის მუნიციპალიტეტის საპატიო მოქალაქის“ წოდება</p> <p>წალენჯიხის მუნიციპალიტეტის გამგებელი ----- (ხელმოწერა და ბეჭედი)</p>
--	--



--	--

